

**Сандықтау ауданының елді мекендерінде иттер мен мысықтарды ұстау және қыдырту Ережесін бекіту туралы**

*Күшін жойған*

Ақмола облысы Сандықтау аудандық мәслихатының 2011 жылғы 29 наурыздағы № 25/9 шешімі. Ақмола облысы Сандықтау ауданының Әділет басқармасында 2011 жылғы 11 мамырда № 1-16-125 тіркелді. Күші жойылды - Ақмола облысы Сандықтау аудандық мәслихатының 2012 жылғы 8 тамыздағы № 6/2 шешімімен

**Ескерту. Күші жойылды - Ақмола облысы Сандықтау аудандық мәслихатының 2012.08.08 № 6/2 шешімімен**

Қазақстан Республикасының 2001 жылғы 30 қаңтардағы «Әкімшілік құқық бұзушылық туралы» Кодексінің 3 бабының 2 бөлігіне, Қазақстан Республикасының 2001 жылғы 23 қаңтардағы «Қазақстан Республикасындағы жергілікті мемлекеттік басқару және өзін – өзі басқару туралы» Заңының 6 бабының 1 тармағының 8 тармақшасына сәйкес Сандықтау ауданының мәслихаты

**Ш Е Ш І М**

**Е Т Т І :**

1. Сандықтау ауданының елді мекендерінде иттер мен мысықтарды ұстау және қыдыртудың қоса берілген Ережесі бекітілсін.
2. Осы шешім Ақмола облысының Әділет департаментінде мемлекеттік тіркелген күнінен бастап күшіне енеді және ресми жарияланған күнінен бастап қолданысқа енгізіледі.

мәслихатының хатшысы  
«КЕЛІСІЛДІ»

Сессия төрағасы, аудан  
Ш.Сабержанов

«Қазақстан Республикасының ішкі істер министрлігі Ақмола облысының ішкі істер департаменті Сандықтау ауданының ішкі істер бөлімі»  
мемлекеттік мекемесінің бастығы Т.Шектыбаев

Қазақстан Республикасы  
Ауылшаруашылығы Министрлігі  
Агроөнеркәсіптік кешендегі  
Мемлекеттік инспекция Комитетінің  
Сандықтау аудандық аумақтық  
инспекциясы» мемлекеттік  
мекемесінің бастығы А.Кряжевских

«Қазақстан Республикасы денсаулық  
сақтау министрлігі Мемлекеттік  
санитарлық – эпидемиологиялық  
қадағалау комитетінің Ақмола облысы  
бойынша департаментінің Сандықтау  
ауданы бойынша мемлекеттік санитарлық –  
эпидемиологиялық қадағалау басқармасы»  
мемлекеттік мекемесінің бастығы Ж.Маханов

С а н д ы қ т а у а у д а н д ы қ  
м ә с л и х а т ы н ы ң 2 0 1 1 ж ы л ғ ы  
2 9 н а у р ы з д а ғ ы № 2 5 / 9  
шешімімен бекітілді

## **Сандықтау ауданының елді мекендерінде иттер мен мысықтарды ұстау және қыдырту Ережесі**

### **1 тарау. Жалпы ереже**

1. Сандықтау ауданының елді мекендерінде иттер мен мысықтарды ұстау және қыдырту осы Ережелер (әрі қарай-Ереже) Сандықтау ауданы аумағында иттер мен мысықтардың ұстауын және қыдыртуын регламенттеу мақсатымен **ә з і р л е н г е н .**

2. Ереже, меншік нысанына қарамастан, иттер мен мысықтарды ұстайтын жеке және заңды тұлғаларға бірдей таратылады. Ережеге қызметтік иттерді ұстайтын құқық қорғау органдардың мекемелері жатпайды.

3. Осы Ереже Қазақстан Республикасының «Әкімшілік құқық бұзушылық туралы» кодексiне, Қазақстан Республикасының «Қазақстан Республикасындағы жергілікті мемлекеттік басқару және өзін-өзі басқару туралы» Заңына және Қазақстан Республикасының «Ветеринария туралы» Заңына сәйкес әзірленген.

### **2 тарау. Иттер мен мысықтарды ұстау жағдайлары**

4. Иттер мен мысықтарды ұстайтын иелеріне санитарлық-гигиеналық, ветеринарлық ережелерін сақтау керек.

5. Көпқабатты үйлердің қоғамдық орындарында (баспалдақ торларында, жер қабаттарында, дәліздерде) сонымен қатар балкондарда және лоджияларда иттерді **ұ с т а у ғ а т ы й ы м с а л ы н а д ы .**

6. Жеке үй иелеріне иттерді ұстау олардың қашып кетпеуін және үйдің шекарасында ұстауды қадағалау. Үй ауласына кіреберісінде, дарбазада иттер бар

екендігі туралы белгі болуы тиіс.

7. Қоғамдық орындарда иесіз жүрген иттер мен мысықтар (көшелерде, үй аулаларында, саябақтарда, скверлерде және басқа орындарда), кәсіпорындар мен мекемелерде иесі байлап кеткен жануарлардан басқасы, қаңғыбас деп есептеледі және қаңғыған иттер мен мысықтарды аулау бойынша арнайы қызметтерімен міндетті аулауға жатады.

Бақылаусыз қалған иттер мен мысықтарды аулауды және жоюды ұйымдастыру Қазақстан Республикасының қолданыстағы заңнамаға сәйкес ұйымдастырылады және жүргізіледі.

8. Иттер мен мысықтар жеке ветеринарлық паспорттар беру жолымен бірдейлендіріледі.

### **3 тарау. Иттер мен мысықтарды ұстау тәртібі**

9. Иттер мен мысықтардың иелері заңды мәртебесіне және меншік нысанына қарамастан:

1) иттер мен мысықтардың ұстауын осы Ереженің талаптарына сәйкес қамтамасыз етеді;

2) қоршағандардың қауіпсіздігін қамтамасыз ету, санитарлық ережелерін сақтау үшін қажетті шараларды қолдайды;

3) иттер мен мысықтарды қыдыртқанда пайда болған жалпыға ортақ қолданылатын және басқа да ластанған қоғамдық орындарды тазартады;

4) жануарды егу, карау және ұстауға байланысты шығындарын осыларды жүзеге асырған органдардың барлық шығындарын өтейді;

5) жануарлармен тістелген сонымен қатар жануарлардың қапыда жұт болған барлық жағдайлар жөнінде селолық округтің ветеринарлық инспекторын немесе ветеринарлық қадағалау бөлімін және денсаулық сақтау органдарын хабарландырады; ауруға күмән болған жағдайда, ветеринарлық қызметінің мамандары келгенше, жануарды жеке ұстау, немесе жануарды қоғамдық көлікті қолданбай мал дәрігеріне жеткізуі тиіс;

б) құлаған жануарлардың өлекселері мал қорымдарында өртеуге, немесе өлексе жағатын пештерде өртеуге міндетті;

7) ветеринарлық қызметкерлерге жануарларды диагностикалық зерттеу және вакцинация мен дегельминтизацияны өткізу үшін олардың талабы бойынша береді.

10. Жануарлардың құтыру ауруға шалыққан күдікті фактісі анықталған жағдайда, осы инфекцияға қарсы бұрын идентификация және иммунизация процедураларын өтпегенде-оларды Қазақстан Республикасының заңдарына сәйкес алынады және жойылады.

#### **4 тарау. Иттер мен мысықтарды қыдырту тәртібі**

11. Жануарларды қыдырта жүріп, олардың иелері мына ережелерді ұстану керек :

1) иттерді аулада, балалар алаңдарында, мектеп аулаларында, стадиондарда, саябақтарда, скверлерде қыдыртуға болмайды. Қыдыратын орынға жеткенше иттер мен мысықтардың қалдырған (табиғи шығарылымдарын) ластауларын тазартуға ;

2) иттерді арнайы бекітілген, қоршалған жерлерде қыдырту керек, егер осындай жерлер болмаса, иттердің қыдыртуын құла далада жүзеге асыру;

3) адамдар көп шоғырланатын жерлерде, қоғамдық көліктерде және қоғамдық орындарда иттерді қысқа жіппен және мұрынға киетін құралмен шығару керек. Адам аз жерлерде иттерді ұзын жіппен және мұрынға киетін құралмен қыдыртуға рұқсат етіледі. Қоршалған жерлерде және алыс жерлерде, адамдар жоқ кезде иттерді бос және мұрынға киетін құралды шешпей жіберу рұқсат етіледі ;

4) иттерді түнгі уақытта қыдыртқан кезде олардың иелері тыныштықты сақтау шараларын қамтамасыз етеді.

#### **5 тарау. Қорытынды Ереже**

12. Осы Ережені бұзғандығы үшін жауапкершілік Қазақстан Республикасының Заңнамасына сәйкес анықталады.